



**Veritates Christianæ Qvæ Modvm Exhibitent Benè Vivendi  
Et Benè Moriendi**

**Balde, Hendrik**

**Ipris, 1689**

Præfatio.

---

---

**Nutzungsbedingungen**

[urn:nbn:de:hbz:466:1-56447](http://urn.nbn.de/hbz:466:1-56447)

# PRÆFATIO.

**B**enevolè Lector, studi brevitat, non ignarus, pròlixos sermones nauseam parere & tedium: stylus facilis est & di- lucidus, & sine fuso; neque enim hic delectare intendo, sed prodesse.

In quolibet capite tot sunt veritates, quot sententiae, ex quarum accuratâ lectio- ne multi non exiguum percepere fructum.

Hinc si quando contingat, ut spiritus tuus languere incipiat atque intepescere, neque ad orandum aut ad perpendenda, more consueto, Sacro-santa CHRISTI Mysteria, rectè sis comparatus, percurre aliquot veritates juxta modum orandi, qui consistit in attenta singulorum verborum & sensuum consideratione, ijs tam diù insistendo, donec intellectus illuminatus & voluntas mota pium circà illa gustum invenerit. Verbi gratiâ perpende hanc veritatem.

*Nemo libenter moritur, qui non multo antè tempore se ad mortem rectè obeundam conparaverit.*

Interroga te ipsum. An non id verum est? an modò lubens è vitâ decederes? quid ni? quid est, quod mortem tantopere per- horrefcas?

## P R A E F A T I O.

horrescis? quod si deprehendas, te necdum aī moriendum benè esse comparatum, ideoque te mortem fugere, atque horrere, seriā mente revolve, quanto quotidie in periculo verseris.

Rursū te interroga. Quot mihi vitæ dies etiamnūm sunt reliqui? ne unus, ne hora quidem; fieri enim potest, ut subito opprimar, quemadmodūm illi & isti, quos probè novi, repentinā morte ex hac vitâ sublati sunt. Quæ major dementia reperiri potest, quam me tam manifesto salutis amittendæ periculo exponere?

Progredere longius si opus sit, & tam diū pījs his cogitationibus insiste, donec intellectus tuus magis, magisque illustretur, ac voluntas permoveatur; atque eō usque preme te, dum inertiam in te ritè comparando ad mortem, atque in testamento tuo, ceterisque rebus accuratè componendis omnino deponas.

Perge porrò ad alias veritates, & hanc quoque sedulò perspende.

*Nullum est in morte sincerum animi solatium, nisi in pio. fidelique cultu, Deo constanter exhibito.*

Interroga te ipsum. Nunquid hoc ita se habet, an consolacioni tibi erit, ingentes te possedisse opes, plurimosque nactum

## P R A E F A T I O.

nactum esse amicos , qui te adstantur ?  
an præclaro te prædictum ingenio, eximiâque corporis venustate fuisse ornatum ?

An consolationi tibi erit , quod summâ apud homines fueris in estimatione ? an quod cunctatibi processerint ex sententia ? hæc omnia, crede mihi, potius tibi gravia accident, teque anxium reddent.

Hæc piæ considerations haud dubiè te magnopere impellent , ut terrena quævis , & caduca despicias , Deoque posthac fideliter servias.

R. P. Lessius in libro , quem conscripsit de summo bono , hunc orandi modum mirificè laudat, asseritque longè præstare , orationem dominicam semel dumtaxat attentâ mente pervoluere , quam centies cursim , & sine ullo pio animi sensu.

Quamobrem , si laudabilis tibi sit consuetudo, pijs vacandi exercitationibus quot annis, per octo aut decem dies , pridiè, ut omne pretiosum illud tempus bene dili- genterque impendas ; fructuose leges Caput. 1. 2. 3. 4. 5. 6.

In viâ purgativa , ut appetitus immoderatos strenuè domes , fructuose leges Capita , quæ agunt de peccatis, de satisfactione , de Conscientia , de morte, judicio , atque inferorum pœnis.


In

P RÆFATI O.

*In via illuminativa*, ut animam tuam solidis & præstantissimis virtutibus, velut gemmis, studiose exornes; fructuose leges *Caput 13.* cum reliquis usque ad *Caput 26.* inclusum; item *Caput 63.* usque ad *Caput 73.* exclusum, item *Caput 85.*

*In viâ unitiva*, ut tuam voluntatem cum divina arctissime conjungas, unusque cum Deo per amorem efficiaris; fructuose leges *Caput 73.* de perfectione cum subsequentibus, usque ad *Caput 84.* inclusum.

Postridiè piarum tuarum exercitationum, ut bona proposita constanter exequaris; fructuose leges *Caput 7.* *8.* *9.* *10.*



F A C V L